

## BESTELAKO XEDAPENAK

KULTURA ETA HIZKUNTZA POLITIKA SAILA

### 4950

*AGINDUA, 2022 azaroaren 2koa, Kultura eta Hizkuntza Politikako sailburuarena, 2022ko maiatzaren 25eko Aginduaren babesean aurkeztutako dirulaguntza-eskabideak ebazten dituena. Agindu horren bidez, 2022an goi-mailako kirol-lehiaketak antolatzeko dirulaguntzetarako deialdia egin eta nola emango diren arautzen da.*

#### AURREKARIAK

1.– 2022ko ekainaren 27an EHAA n argitara eman zen Kultura eta Hizkuntza Politikako sailburuaren 2022ko maiatzaren 25eko Agindua, zeinaren bidez iragartzen eta arautzen baitira 2022. urteko goi-mailako kirol-lehiaketak antolatzeko dirulaguntzak.

2.– 2022ko maiatzaren 25eko Aginduaren 10. artikuluekin bat etorritik, Balorazio Batzordeak dirulaguntza-eskabideei buruzko agindu-proposamena egin zuen, 2022ko urriaren 25eko bilkuran, deitutako dirulaguntzen lerrorako. Proposamen hori Kultura eta Hizkuntza Politikako sailburuari helarazi zitzaion, hura ikusita, aurkeztutako dirulaguntza-eskabideen gaineko erabakia har zezan.

Horrela bada, Balorazio Batzordeak egindako ebazteko agindu-proposamena ikusita eta gorago aipatutako aginduaren 13. artikuluan esleitutako eginkizunak betez, honako hau

#### EBAZTEN DUT:

Lehenengoa.– Eranskinean zerrendatzen diren erakundeei dirulaguntzak ematea; hain zuzen, eranskinean bertan adierazitako zenbatekoak.

Bigarrena.– 2022ko maiatzaren 25eko Aginduan araututako dirulaguntzen onuradunek testu horren 15. artikuluan ezartzen diren betebeharrak bete beharko dituzte.

Hirugarrena.– Dirulaguntza bi zatitan ordainduko da; lehenengoa, diruz lagundutako zenbatekoaren ehuneko berrogeita hamarri dagokiona, esleipen-agindua jakinarazitakoan eta hura onartzeko epea igarotakoan gauzatuko da; eta bigarrena, beste berrogeita hamarrari dagokiona, 2023ko urtarrilaren 1etik aurrera gauzatuko da, betiere diruz lagundutako lehiaketa justifikatutakoan; 2023ko martxoaren 1a baino lehenago justifikatu beharko da lehiaketa.

Ordainketa izapidetu aurretik, emandako dirulaguntza onartu beharko dute erakunde onuradunek. Dirulaguntza ematen zaiela jakinarazten duen jakinarazpena jaso eta hamabost eguneko epean erakunde onuradunek ez badiote dirulaguntzari espresuki eta idatziz uko egiten, onartu dutela ulertuko da.

Laugarrena.– Emandako dirulaguntza justifikatzeko, erakunde onuradunek 2023ko martxoaren 1a baino lehen, jarraian zehazten diren agiriak aurkeztuko dituzte <http://www.euskadi.eus/nirekarpeta> helbidearen bitartez:

a) Jarduera gauzatzeari buruzko memoria laburtua, deialdiaren aginduaren arabera baloratu beharreko gaiak gutxienez jasoko dituena; datu guztiak sexuaren arabera bereizita aurkeztuko dira.

b) Dirulaguntzarako eskabidea aurkeztu ostean burutu bada lehiaketa, arbitroen aktak, eta lehiaketako behin betiko programa.

c) Fakturen bidez eta zuzenbide- eta merkataritza-zirkulazioan froga-balio baliokidea duten edo administrazio-efikazia duten gainerako jatorrizko agirien bidez egiaztatuko dira gastuak. Faktura elektronikoen bidez ere egiaztatu ahal izango dira gastuak, baldin eta zerga-arloan onartuak izateko betekizunak betetzen badituzte, betiere.

Faktura eta dokumentu guztiak espediente elektronikora igo behar dira. Aurkezten diren fakturak dirulaguntzan emandako kopuru osoa justifikatu behar dute.

d) Jarduera-gastuen zenbatekoaren adinako diru-kopurua egiaztatuko da gastu-zerrendan.

e) Ekitaldiaren aurrekontu gauzatua, diru-sarrera eta gastu guztiak adierazita. Bereziki jaso beharko da helburu berarekin eskuratutako gainerako laguntzen zerrenda, baldin eta eskabideak aurkezteko unean haiek eraginkor izan ziren jakiterik ez bazegoen.

f) Kultura eta Hizkuntza Politika Sailaren laguntza berariaz aipatzen duten dokumentu guztien aleak, laguntza emateko ebazpenean ezarritako baldintzen arabera.

g) Jarduera edo programa gauzatzean Euskal Autonomia Erkidegoko bi hizkuntza ofizialak erabili direla egiaztatzen duten agiriak.

Bosgarrena.– Dirulaguntza emateko kontuan hartutako baldintzak aldatzen badira –betiere dirulaguntzaren xedea bete bada– edo edozein erakunde publiko zein pribatutatik beste laguntzarik jaso bada, dirulaguntzak emateko agindua aldatu ahal izango da. Horretarako, Kultura eta Hizkuntza Politikako sailburuak likidazio-agindua emango du, esleitutako dirulaguntzaren zenbatekoa doitzeko.

Seigarrena.– Ondorengo hauek izango dira ez-betetzeak:

a) Jasotako dirulaguntzak (zenbateko osoa edo zati bat) 2022ko maiatzaren 25eko Aginduan onartutako jardueretarako erabili beharrean, beste zerbaitetarako erabiltzea.

b) 2022ko maiatzaren 25eko Aginduan ezarritako betebeharrak ez betetzea.

c) Dirulaguntzaren likidazio-aginduan adierazitako kopurua ez itzultzea horretarako ezarritako epean.

d) Xedapen orokorretan nahitaez bete beharrekotzat jotako beste edozer ez betetzea.

Ez-betetzereen bat gertatu dela egiaztatzen bada, jasotako zenbatekoak eta legezko interesak Euskal Autonomia Erkidegoko Diruzaintza Nagusiari itzuli beharko zaizkio, betiere azaroaren 11ko 1/1997 Legegintza Dekretuaren eta abenduaren 17ko 698/1991 Dekretuaren arabera.

Zazpigarrena.– Interesdun guztiei agindu honen berri emango zaie banan-banan, nahiz eta EHAAn ere argitaratuko den.

Agindu honek amaiera ematen dio administrazio-bideari. Beraz, beraren aurka, interesdunek berraztertze errekurtsoa aurkeztu ahal izango diote Kultura eta Hizkuntza Politikako sailburuari, hilabeteko epean, agindua argitaratu eta hurrengo egunetik aurrera, edo, bestela, administrazioarekiko auzi-errekurtsoa Euskal Autonomia Erkidegoko Auzitegi Nagusian, bi hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera, hala ezartzen baitu urriaren 1eko Administrazio Publikoaren Administrazio Prozedura Erkideari 39/2015 Legeak.

Vitoria-Gasteiz, 2022ko azaroaren 2a.

Kultura eta Hizkuntza Politikako sailburua,  
BINGEN ZUPIRIA GOROSTIDI.

2022ko azaroaren 15a, asteartea

ERANSKINA  
EMANDAKO DIRULAGUNTZAK

Interesduna	Espedientea	Lehiaketa	Puntuazioa	1. zatia 2022 (% 50)	2. zatia 2023 (% 50)	Guztira
A.D. Txindoki Atletismo Taldea	025-KLA-2022	VI Ordizia Sari Nagusia - Nazioarteko José Antonio Peña Meeting-a	60	2.000,00 €	2.000,00 €	4.000,00 €
Arratiko Ziklista R. T.	024-KLA-2022	XLV Ziklokross Igorre	45	2.816,50 €	2.816,50 €	5.633,00 €
Asociación de Comerciantes	019-KLA-2022	XXIV. Edición del Meeting Paralímpico - Basauriko Probak 2022	65	4.068,00 €	4.068,00 €	8.136,00 €
Azkoitiako eta Azpeitiako Xeye Atletismo Kirol Elkarteak	029-KLA-2022	Diego Garcíaren Oroimenezko XXIX. AzkoitiAzpeti Nazioarteko Maratoi Erdia	55	3.442,25 €	3.442,25 €	6.884,50 €
Bakarrik Badminton Kluba	001-KLA-2022	Internacional de Parabadminton Vitoria-Gasteiz	45	2.816,50 €	2.816,50 €	5.633,00 €
Berango Atletismo Taldea	002-KLA-2022	XXXIV Milla Internacional de Berango	60	3.755,00 €	3.755,00 €	7.510,00 €
CD Chapel-Gorri	010-KLA-2022	99. Prueba Villafranca-Ordiziako Klasika	65	4.068,00 €	4.068,00 €	8.136,00 €
Club Atletismo Santutxu de Bilbao	016-KLA-2022	XVI Milla Internacional de Bilbao	55	3.442,25 €	3.442,25 €	6.884,50 €
Club Ciclista Eibarrés	012-KLA-2022	IV Gran Premio Ciudad de Eibar	55	3.442,25 €	3.442,25 €	6.884,50 €
Club de Campo Laukariz	013-KLA-2022	I Open Laukariz ITF 25000\$	45	2.816,50 €	2.816,50 €	5.633,00 €
Club de Tenis Basigo de Bakio	007-KLA-2022	37º Open Kiroleta 'Bakio Udala Saria'	55	3.442,25 €	3.442,25 €	6.884,50 €
Club Deportivo de Tenis Kaialde de Santurtzi	021-KLA-2022	VIII Kaialde Santurtzi International Trophy 2022	50	3.129,50 €	3.129,50 €	6.259,00 €
Club Deportivo Innevento Sports	026-KLA-2022	Campeonato 3X3 Basket de la Fiba - Pili Pili Urban Festival Bilbao 2022	40	2.503,50 €	2.503,50 €	5.007,00 €
Club Deportivo Zornotza	017-KLA-2022	68º Cross Internacional Zornotza	85	5.000,00 €	5.000,00 €	10.000,00 €
Donosti Eventos RPM Racing Pruebas Deportivas UTE	023-KLA-2022	Zurich Maratón San Sebastián 2022	75	4.694,00 €	4.694,00 €	9.388,00 €
Federación Atlética Guipuzcoana	022-KLA-2022	66 Cross Internacional de San Sebastián	70	4.381,00 €	4.381,00 €	8.762,00 €
Federación Vasca de Natación	003-KLA-2022	40. Torneo internacional de Navidad	70	4.000,00 €	4.000,00 €	8.000,00 €
Federación Vasca de Pádel	028-KLA-2022	Campeonato Europeo Junior Pádel	60	3.755,00 €	3.755,00 €	7.510,00 €
Flysch Kirol Elkarteak	004-KLA-2022	XIII. Zumaita Flysch trail lasterketa	60	2.700,00 €	2.700,00 €	5.400,00 €
Mintxeta Atletismo Taldea	008-KLA-2022	LXXVIII Cross Internacional Juan Muguerza	80	5.007,00 €	5.007,00 €	10.014,00 €
Punta Galea Txirindulari Elkarteak	005-KLA-2022	77 Circuito de Getxo-Memorial Hermanos Otxoa	60	3.755,00 €	3.755,00 €	7.510,00 €
Real Club de Tenis de San Sebastián	018-KLA-2022	Torneo Femenino ITF Ciudad de San Sebastián	60	3.755,00 €	3.755,00 €	7.510,00 €
Real Club Jolaseta	015-KLA-2022	XXX Torneo Internacional de Tenis de Getxo 2022	60	3.755,00 €	3.755,00 €	7.510,00 €
S.D. Gimnástica Ullia	027-KLA-2022	10K Gimnástica de Ullia	70	4.000,00 €	4.000,00 €	8.000,00 €
Sociedad Ciclista Duranguesa	020-KLA-2022	Durango Durango Emakumeen Saria	60	3.755,00 €	3.755,00 €	7.510,00 €

2022ko azaroaren 15a, asteartea

Interesduna	Espedientea	Lehiaketa	Puntuazioa	1. zatia 2022 (% 50)	2. zatia 2023 (% 50)	Guztira
Sociedad Ciclista Karrantza	014-KLA-2022	XXIX Ziklokros internacional de Karrantza	35	2.190,50 €	2.190,50 €	4.381,00 €
Sociedad Ciclista Llodiana	006-KLA-2022	XXXIV Ciclocross Internacional Ludio	60	3.755,00 €	3.755,00 €	7.510,00 €
Suzien Mendi Kluba	011-KLA-2022	Gorbeia Suzien Sky Race	60	3.755,00 €	3.755,00 €	7.510,00 €
		<b>GUZTIRA</b>	<b>GUZTIRA</b>	<b>100.000,00 €</b>	<b>100.000,00 €</b>	<b>200.000,00 €</b>